

საქართველოს სსრ.



საგპ. რესპუბლიკის

მუშათა და გლეხთა მთავრობის

## კანონთა და განკარგულებათა კრებული

სახალხო კომისართა საბჭოს და ეკონომიური საბჭოს  
საქმეთა მმართველობის განოცევა

1931 წ. აპრილის 10.

№ 4

ნაწილი პირველი

### შ ი ნ ა ა რ ს ი

სახსამართლო წუობილება და სამართლის წარმოება.

54. სისხლის სამართლის საპროცესო კოდექსის შეცვლის შესახებ.

### სახსამართლო წუობილება და სამართლის წარმოება

54. დადგენილება ც.ა.კ. და ს.კ.ს.

სისხლის სამართლის საპროცესო კოდექსის შეცვლის შესახებ.

სრულიად საქართველოს საბჭოთა მე-11 მოწვევის ცენტრალური აღმასრულებელი კომიტეტის მე-2 სესიის 1924 წლის მარტის 10-ის თარიღისა და 77 №-ის დადგენილების (საქ. სსრ კან. კრ. 1924 წ. 1-ლი № ი, მუხ. 7) მე-2 მუხლის წესისამებრ სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

ვიდრე გამოიციემოდეს ახალი სისხლის სამართლის საპროცესო კოდექსი, შეტანილ იქნეს საქართველოს სსრ სისხლის სამართლის შომქმედ საპროცესო კოდექსში შემდეგი ცვლილებანი:

#### I.

საქართველოს სსრ სისხლის სამართლის საპროცესო კოდექსის VIII, IX, X, XI, XII, XIII, XIV, XV, XVI, XVII, XVIII და XIX თავები შეიცვალოს შემდეგი დროებითი წესებით სისხლის სამართლის საქმეთა გამო წინასწარი გამოკვლევის წარმოებისათვის:

## დარღებითი წესები

სისხლის სამართლის საქმეთა გამო წინასწარი გამოკვლევის წარმოებისათვის.

თავა ზირველა.

### ზოგადი საკითხები.

1. წინასწარ გამოკვლევას აწარმოებენ გამოძიებლები, სახელმწიფო პოლიტიკური სამართლებლო ორგანოები, მილიცია, სისხლის საქმეთა სამძებრო, სპეციალური ინსპექციები მათი გამგებლობის საქმეთა გამო, შინაგანი წყალსაველი გზების სანაოსნო ზედამხედველობის ორგანოები მათი გამგებლობის საქმეთა გამო, და ხელისუფლების სხვა ისეთი ორგანოები, რომელთაც სპეციალური კანონით მინიჭებული აქვთ დანაშაულის გამოკვლევის უფლება.

2. გამოკვლევის ყველა ორგანოს მუშაობის საერთო ზედამხედველობას და აგრეთვე გამოძიებლის მიერ წარმოებული წინასწარი გამოკვლევის უშუალო მეთვალყურეობას განახორციელებს პროკურატურა. 1-ლ მუხლში აღნიშნულ დანარჩენ ორგანოთა (სახელმწიფო პოლიტიკური სამმართველოს ორგანოთა გარდა) მიერ წარმოებული წინასწარი გამოკვლევის უშუალო მეთვალყურეობას განახორციელებს ის გამოძიებელი, რომლის უბანშიაც გამოკვლევა ხდება.

მეთვალყურე ორგანოს უფლება აქვს ყოველ დროს გაეცნოს გამოკვლევის წარმოებას და მისცეს გამოკვლევას სავალდებულო წინადადებათი.

უკეთეს გამოკვლევი არ დაეთანხმება მეთვალყურე ორგანოს წინადადებას, მას შეუძლიან განასაზიეროს იგი ზემდგომ ორგანოში, ხოლო ვერ შეაჩერებს ამ წინადადების შესრულებას.

ზემდგომი ორგანოს დირექტივი საბოლოოა.

**შენიშვნა.** მეთვალყურეობის გაწევა სახელმწიფო პოლიტიკური სამართლებლო ორგანოთა მიერ წარმოებული გამოკვლევისათვის მოწესრიგდება განსაკუთრებული წესებით.

3. გამოკვლევას მოახდენს ის ორგანო, რომლის სამოქმედო რაიონშიაც ჩადენილია დანაშაული, ხოლო იმ მიზნით, რათა დანაშაული რაც შეიძლება სწრაფად და სრულად ან უფრო მოხერხებულად იქნეს გამოკვლეული, გამოკვლევა შეიძლება, მეთვალყურე ორგანოს ნებართვით, მოხდეს დანაშაულის აღმოჩენის ადგილას, ან დანაშაულის, ან დაზარალებულის საცხოვრებელ ადგილას. ამ საკითხს საბოლოოდ გადასწყვეტს ის მეთვალყურე ორგანო, რომლის რაიონშიაც დაწყებულია გამოკვლევა.

4. უკეთეს გამოკვლევე ორგანოსათვის საკუთრივ იქნება ზოგიერთი ცალკეული მოქმედების შესრულება სხვა რაიონში, მას შეუძლიან ამ მოქმედების შესრულება მიანდოს აღნიშნული რაიონის სათანადო გამოკვლევე ორგანოს ან თითონ შეასრულოს იგი დამოუკიდებლად. ასეთ შემთხვევაში გამოკვლევის ორგანო ვალდებულია მის მიერ შესრულებული მოქმედება აცნობოს, მე-2 მუხლით გათვალისწინებული წესისამებრ, ადგილობრივ პროკურორს ან გამოძიებელს.

5. ორი ან რამოდენიმე საქმე შეიძლება ვაერთიანებულ იქნეს ერთ საქმედ იმ შემთხვევაში, უკეთეს პასუხისგებაში მიცემულია რამდენიმე პირი ერთსა და იმავე დანაშაულში თანამონაწილეობისათვის, ან ერთი პირი რამდენიმე დანაშაულის ჩადენისათვის.

6. იმ დანაშაულთა საქმეების გამო, რაც ვათვალისწინებულია სისხლის საპართლის კოდექსის 58<sup>2</sup>—58<sup>14</sup>, 58<sup>15</sup>, 58<sup>17</sup>, 58<sup>18</sup> მუხ., 58<sup>19</sup> მუხ. მე-2 ნაწ., 58<sup>19</sup> და 58<sup>27</sup> მუხ. მე-3 ნაწ., 70 და 71 მუხ., 72 მუხ. 1 ნაწ., 78, 114, 115 და 117 მუხ. 118 მუხ. 1 ნაწ., 120—127, 134—136, 138, 142, 143, 143<sup>1</sup> და 144—154 მუხ., 156 მუხ. მე-2 ნაწ., 157 მუხ., 159 მუხ. მე-2 ნაწ., 160, 162, 167, 169 და 170—173 მუხ., 177 მუხ. „ზ“ პუნქ., 180 მუხ. მე-3 ნაწ., 181 მუხ. და 185 მუხ. 3 ნაწ. და აგრეთვე საგვარეულო ყოფაცხოვრების ნიადაგზე ჩადენილ დანაშაულთა დებულების 1 მუხლით, წინასწარ გამოკვლევას მოახდენს გამოძიებელი. სხვა დანაშაულის საქმე შეიძლება გამოიკვლიოს გამოძიებელმა როგორც პროკურორის წინადადებით, ისე საკუთარი ინიციატივით, უკეთეს საქმე განსაკუთრებით რთულია ან მას განსაკუთრებული საზოგადოებრივი მნიშვნელობა აქვს.

გამომძიებელს შეუძლიან ამა მუხლით ვათვალისწინებულ დანაშაულთა ყოველი საქმის გამოკვლევა, პროკურორის ნებართვით, ვადასცეს გამოკვლევის სხვა ორგანოს, იმ საქმეებს გარდა, რაც უზენაეს სასამართლოს ექვემდებარება. პროკურორს შეუძლიან თითონ იკისროს როგორც ცალკეულ საგამომძიებლო მოქმედებათა შესრულება, ისე ყოველი საქმის გამოკვლევა.

**შენიშვნა.** ყველა ის შემთხვევა, როდესაც ამა მუხლით ვათვალისწინებულ დანაშაულთა საქმეები სახელმწიფო პოლიტიკური სამმართველოს ორგანოებში უნდა გამოიკვლიონ, განისაზღვრება სპეციალური კანონებით.

7. მე-6 მუხლში ჩამოთვლილ დანაშაულთა საქმეების წინასწარი გამოკვლევა დამთავრებულ უნდა იქნეს გამოკვლევის დაწყების დღიდან ორი თვის ვადაზე, ხოლო დანარჩენ დანაშაულთა საქმეებისა—ერთი თვის ვადაზე, რომელ ვადაშიაც ჩაითვლება აგრეთვე აქტი სამართალში მიცემისა ან სისხლის სამართლის წესით დგენის მოსპობის შესახებ. ამ ვადის განგრძობა ცალკეული საქმეებისათვის, პირველ შემთხვევაში—4 თვემდე, ხოლო მეორე შემთხვევაში—2 თვემდე, შეიძლება მხოლოდ სათანადო ადგილობრივი პროკურორის ან გამომძიებლის ნებართვით, მათი დასაბუთებული დადგენილების თანახმად. ამაზე მეტი ხნით ვადის განგრძობა, აგრეთვე აღნიშნული ვადების საერთო განგრძობა რესპუბლიკის რომელიმე ადგილისათვის, უკეთეს ეს გამოწვეულია ადგილობრივი პირობებით, შეუძლიან რესპუბლიკის პროკურორს.

8. ყოველი საქმის წინასწარი გამოკვლევა შეიძლება დაწყებულ იქნეს გამოკვლევის ყოველი ორგანოს მიერ, გარდა სპეციალური ინსპექციისა და შინაგანი წყალსავალი გზების სანაოსნო ზედამხედველობის ორგანოებისა, რომელთაც შეუძლიანთ გამოიკვლიონ მხოლოდ თავისი გამგებლობის საქმეები. ხოლო უკეთეს საქმე დაწყებულია არა გამომძიებლის მიერ და შეიცავს 6 მუხლში აღნიშნული ერთ-ერთა დანაშაულის ნიშნებს, გამოკვლევის დამწყები ორგანო დაუყოვნებლივ აცნობებს ამას გამომძიებელს; ამასთანავე იგი არ შეაჩერებს ყველა იმ მოქმედების შესრულებას, რაც საჭიროა შემდგომი გამოკვლევის უზრუნველ-

საყოფად. საჭირო მოქმედების შესრულებისას, გამოკვლევი ორგანო არ დაუტოვებს გამოძიებლის განაარგულებას და თვიური ვადის (7 მუხ.) გასვლას და გადასცემს საქმეს გამოძიებელს. გამოძიებლისათვის საქმის გადაცემის შემდეგ საგამომძიებლო მოქმედების შესრულება გამოკვლევის სხვა ორგანოს შეუძლიან მხოლოდ გამოძიებლის სპეციალური დაავლებით.

9. გამოკვლევის ორგანო, მიიღებს თუ არა ცნობას ან მასალას ისეთი დანაშაულის ჩადენის შესახებ, რაც გამოკვლევას მოითხოვს, დაუყოვნებლივ შეუდგება გამოკვლევას და აცნობებს ამას: გამოძიებელი—მეთვალყურე პროკურორს, ხოლო გამოკვლევის სხვა ორგანო—სათანადო გამოძიებელს.

10. უკეთუ გამოძიებელი მისთვის საქმის გადაცემამდე შეკრეფილ მასალას საკმარისად სცნობს, იგი აღარ განაგრძობს გამოკვლევას, ხოლო ვალდებულია: ა) წაუყენოს ბრალდებულს ბრალდება; ბ) დააკითხოს ბრალდებულს; გ) წარუდგინოს მას საქმე და დ) შეადგინოს საბრალმძებლო დასკვნა.

11. გამოკვლევის ორგანო ვალდებულია გამოიკვლიოს ყველა გარემოება, როგორც ისეთი, რომელიც დაამძიმებს ან შეამსუბუქებს პასუხისგებაში მიცემული პირის პასუხისმგებლობას, აგრეთვე ისეთიც, რომელიც სრულიად გაანთავისუფლებს ამ პირს პასუხისმგებლობიდან. გამოკვლევის ორგანოს უფლება არა აქვს უარი უთხრას ექვემდებარებულს, გამოძიებაში მიცემულს და დაზარალებულს მოწმის ან ექსპერტის დაკითხვაზე და სხვა დამამტკიცებელი საბუთების შეკრეფაზე, უკეთუ საქმისათვის მნიშვნელობა ექნება იმ გარემოებას, რომლის გამოკვლევის შესახებაც აღძრულია შუამდგომლობა.

აღნიშნულ თხოვნაზე უარის თქმას გამოკვლევი ორგანო აღნიშნავს რეზოლიუციით სახით განცხადებას ან დაკითხვის ოქმზე და დაასახელებს უარის საფუძველს.

12. დანაშაულით დაზარალებულს შეუძლიან აღძრას პასუხისგებაში მიცემულისა და აგრეთვე იმ პირის წინააღმდეგ, ვისაც პასუხისგებაში მიცემულის მოქმედებისათვის მატერიალური პასუხისმგებლობა ეკისრება, საჩიველი ზარალის შესახებ (სამოქალაქო საჩიველი) ეს საჩიველი, თანხის მიუხედავად, განხილულ უნდა იქნეს სისხლის სამართლის საქმესთან ერთად.

უკეთუ გამოკვლევი დაინახავს, რომ დანაშაულით დაზარალებულს ზარალი მიჰყენებია, იგი ვალდებულია განუმარტოს დაზარალებულს, რომ მას უფლება აქვს აღძრას სამოქალაქო საჩიველი.

13. უკეთუ სამოქალაქო საჩიველი აღძრულ იქნება, გამოკვლევი აღნიშნავს რეზოლიუციით განცხადებაზე ან დაკითხვის ოქმზე, რომ დაზარალებული ცნობილია სამოქალაქო მოსარჩელედ, ან რომ მას ამაზე უარი ეთქვა. გამოკვლევის ორგანო ვალდებულია აგრეთვე მზარეთა თხოვნით, ხოლო, უკეთუ დანაშაულით ზარალი მოუვიდა სახელმწიფოს, საზოგადოებრივ ორგანიზაციას ან მშრომელთ, თხოვნის გარეშეც, მიიღოს ღონისძიება სამოქალაქო საჩიველის უზრუნველსაყოფად სამოქალაქო სამართლის საპროცესო კოდექსის წესების თაჩაზმად.

უზრუნველყოფის ღონისძიების მიღება გამოკვლევებს შეუძლიან სამოქალაქო საჩიველის აღძრამდეც.

14. უკეთეს გამოსაკვლევად დანაშაული გამოიწვევს, სისხლის სამართლის კოდექსის თანახმად, ქონების კონფისკაციას, გამოკვლევით, განაჩენის აღსრულების უზრუნველსაყოფად, მიიღებს უზრუნველყოფის ღონისძიებას იმისათვის, რომ პასუხისგებაში მიცემულის ქონება არ იქნეს გადაძალადებული. უკეთეს გამოკვლევას არა გამოამძიებელი აწარმოებს, უზრუნველყოფის ღონისძიების ხმარება დაუყოვნებლივ უნდა ეცნობოს გამოამძიებელს.

უკეთეს აღნიშნული ქონების შედგენილობაში მომქმედი საწარმო შედის, პროკურორს, გამოამძიებლის წარდგენით, უფლება აქვს დანიშნოს ლიკვიდატორები ან შენახულები იმ ორგანიზაციასთან შეთანხმებით, რომელიც საბაზო მკურნეობის სათანადო დარგს განაგებს.

15. ყველა საგამომკვლევო მოქმედების შესახებ შესდგება ოქმი; ოქმს ხელს მოაწერენ გამოამკვლევნი და ის პირნი, ვინც უშუალო მონაწილეობას იღებდა ამა თუ იმ მოქმედებაში. უკეთეს ამ პირთაგან ვინმემ წერა-კითხვა არ იცის, მის მაგიერ ოქმს ხელს მოაწერს სხვა ვინმე, ვინც ოქმის შედგენას დაესწრო.

უკეთეს დაინტერესებული პირი ოქმის შინაარსს არ დაეთანხმება, იგი ამას აღნიშნავს ოქმზე ხელის მოწერის დროს. უკეთეს რომელიმე პირი უარს იტყვის ოქმს ხელი მოაწეროს, გამოამკვლევნი ამას ცალკე აღნიშნავს ოქმში.

16. გამოამკვლევნის ყოველი მოქმედება შეიძლება განსაჩივრებულ იქნეს ხუთი დღის ვადაზე იმ დღიდან, როდესაც ეს მოქმედება დაინტერესებულ პირს ეცნობა.

საჩივარი გამოამძიებლისა და სახელმწიფო პოლიტიკური სამართავლოს ორგანოთა მოქმედების გამო შეიტანება მეთვალყურე პროკურორთან, ხოლო დანარჩენ ორგანოთა მოქმედების გამო იმ უბნის გამოამძიებელთან, სადაც უწყებული ორგანო მუშაობს. პროკურორის ან გამოამძიებლის დადგენილება ასეთ შემთხვევაში საბოლოოა, იმ დადგენილების გარდა, რომლითაც აღმკვეთ ღონისძიებად დაპატიმრება შეფარდებული (50 მუხ.), ან მოსპობილია საქმე (54 მუხ.) ან დაჯარიმებულია თავადები (48 მუხ.).

განსაჩივრებისათვის ზემოდ დადგენილი წესითვე უნდა მოხდეს გამოამკვლევნის ჩამოცილება, უკეთეს საამისოდ სისხლის სამართლის საპროცესო კოდექსში გათვალისწინებული საბაზი იქნება.

#### თავი მკორე

#### დამამტკიცებელი საბუთების შეკრება.

17. დამამტკიცებელ საბუთად ჩითვლება ყოველგვარი ფაქტობრივი ცნობა, რაც ცალკეა თუ ერთობლივად ადასტურებს ან უარყოფს დანაშაულის ჩადენას, ამხელს ან ამართლებს პასუხისგებაში მიცემულს და ამძიებს ან ამსუბუქებს მის პასუხისმგებლობას.

18. დამამტკიცებელ საბუთად შეიძლება იყოს საზოგადოებრივი ორგანიზაციის დადგენილება და გადაწყვეტილება, სარევიზიო აქტი, მოწმის ჩვენება, დათვლიერების, გაჩხრევის და ამოჩვევის ოქმი და სხვა წერილობითი დოკუმენტი, ექსპერტის დასკვნა, ნივთიერი დამამტკიცებელი საბუთი და პასუ-



ხისგებაში მიცემულის პირადი ახსნა-განმარტება. სააგენტურო დამუშავება, უსახელო განცხადება, გავრცელებული ხმები და გულგება დამამტკიცებელ საბუთად არ ჩაითვლება.

19. მოწმეების და ექსპერტების დაკითხვა, საერთო წესით, გამოკვლევის აღგილას უნდა მოხდეს. უკეთუ დაზარალებული პირი ავადმყოფობის გამო ვერ შესძლებს დაკითხვაზე გამოცხადებას და უკეთუ დაკითხვის გადადება მის განკურნებამდე შეუძლებელია, გამომკვლევს შეუძლიან დაპკითხოს მას იქ, სადაც ის იმყოფება (საავადმყოფოში ან სახლში). უკეთუ მოწმე საავადმყოფოშია, მისი დაკითხვისათვის საჭიროა ექიმის ნებართვა. გამომკვლევის აღგილიდან შორს მცხოვრები მოწმის დაკითხვა მოხდება ცალკეული მოთხოვნით გამოკვლევის სათანადო ორგანოს მეშვეობით.

20. არ შეიძლება მოწმედ დაბარებულ და დაკითხულ იქნეს ბრალდებულის დამცველი ისეთი საქმის გამო, რომელშიაც იგი ასრულებდა ან ასრულებს დამცველის მოვალეობას, და ყველა ის პირი, ვისაც თავისი ფიზიკური თუ ფსიქიკური ნაკლის გამო არ შეუძლიან ამა თუ იმ მოვლენის შეთვისება და მის შესახებ სწორე ჩვენების მიცემა.

მოწმედ დაბარება მცირეწლოვანისა 10 წლამდე შეიძლება მხოლოდ განსაკუთრებულ შემთხვევაში.

21. დაკითხვამდე გამომკვლევმა უნდა გამოარკვიოს მოწმის ან ექსპერტის ვინაობა და მათი დამოკიდებულება მხარეებთან, უნდა განუმარტოს მათ, რომ ისინი მოვალენი არიან მისცენ მართალი ჩვენება თუ დასკვნა, და რომ პასუხს აგებენ ტყუილ ჩვენებისა და დასკვნის მიცემისათვის. მუნჯის, ყრუს ან გამოშვლევისათვის გაუგებარ ენაზე მოლაპარაკე პირის დაკითხვის დროს მიწვეულ უნდა იქნეს თარჯიმანი ან ისეთი პირი, რომელსაც მუნჯის თუ ყრუს სალაპარაკო ნიშნები ესმის.

22. მოწმის დაკითხვა იწყება იმით, რომ მას წინადადება ეძლევა სიტყვას ყველაფერი, რაც კი საქმეზე იცის, რის შემდეგაც მას შეიძლება მიეცეს კითხვები.

მოწმე დაკითხება ისეთი ფაქტების შესახებ, რაც გამორკვეულ უნდა იქნეს უწყებელი საქმისათვის, და აგრეთვე პასუხისგებაში მიცემულის დახასიათების შესახებ. ამასთანავე დაკითხვა ისე უნდა სწარმოებდეს, რომ მთლად ამოიწუროს ყველა ის გარემოება, რის გამოსარკვევადაც დაბარებულია მოწმე, რათა შემდგომ, გამოკვლევის დროს, საჭირო აღარ გახდეს განმეორებით დაკითხვა.

დაკითხვის დროს მუქარისა და ძალადობის ხმარებისათვის გამომკვლევე მიიეცემა სისხლის სამართლის პასუხისგებაში.

23. მოწმეები დაკითხულ უნდა იქნენ ცალ-ცალკე, სხვა მოწმეთა დაუსწრებლად. ამასთანავე გამომკვლევმა უნდა იხმაროს ღონისძიება, რათა ერთი და იმავე საქმის მოწმეები, დაკითხვის დასრულებამდე, არ შეხვდნენ ერთმანეთს. უკეთუ საჭირო იქნება, შეიძლება მოწმეები ერთი მეორეს პირისპირ წაეყენონ.

დაკითხვის დამთავრებისას ოქმი უნდა წაეკითხოს მოწმეს, რომელსაც უფლება აქვს შეავსოს თავისი ჩვენება ან შეიტანოს მასში შესწორება.

მოწმეს შეიძლება მიეცეს უფლება თავისი ჩვენება თვითონვე დასწეროს.



24. ექსპერტი დაბარებულ უნდა იქნეს ისეთ შემთხვევაში, როდესაც საჭიროა სპეციალური ცოდნა მეცნიერებისა, ხელოვნებისა ან ხელოსნობის დარგში. კერძოდ ექსპერტის დაბარება სავალდებულოა სიკვდილის მიზეზის, სხეულის დაზიანების სიმძიმის და აგრეთვე ბრალდებულის თუ მოწმის ფსიქიკური მდგომარეობის გამოსარკვევად, უკეთუ ამის გამო ეჭვი აღიძვრის.

ექსპერტის დაბარება სამეურნეო დანაშაულის საქმეთა გამო შეიძლება მხოლოდ პროკურორთან შეთანხმებით.

სამედინო ექსპერტიზას მოახდენს სასამართლო-სამედინო ექსპერტი ხოლო, უკეთუ მისი დაბარება შეუძლებელია, — სახელმწიფო ან საზოგადოებრივ სამსახურში მყოფი ექიმი.

უკეთუ პასუხისგებაში მიცემული პირი მოითხოვს, ექსპერტად შეიძლება დაბარებულ იქნეს ის, ვისაც იგი დასახელებს; ხოლო გამოკვლევს შეუძლიან უარი უთხრას პასუხისგებაში მიცემულს ამ ექსპერტის დაბარებაზე, უკეთუ იგი სცნობს, რომ დასახელებული ექსპერტის დაბარება ზედმეტია.

25. უკეთუ ექსპერტები ერთ აზრს დაადგებიან, ექსპერტიზის შედეგი შეიძლება გამოაცხადოს ერთ-ერთმა მათგანმა, მათ მიერვე არჩეულმა. ხოლო, უკეთუ ექსპერტებს შორის აზრთა სხვადასხვაობაა, თვითელი ექსპერტი თავის დასკვნას ცალ-ცალკე გამოსთქვამს. დასკვნის მიცემისას თვითელი ექსპერტს შეიძლება კითხვები მისცეს გამოკვლევება და აგრეთვე პასუხისგებაში მიცემულმა და დაზარებულმა, უკეთუ იგი ექსპერტიზას დაესწრება.

26. უკეთუ გამოკვლევები სცნობს, რომ ექსპერტიზა სჯამოდ ნათელი ან სრული არ არის, მას შეუძლიან, მეთვალყურე ორგანოს ნებართვით, დანიშნოს ახალი ექსპერტიზა, რისთვისაც ძველი ექსპერტიზის ოქმზე სათანადო წარწერით აღნიშნავს ახალი ექსპერტიზის საფუძველს.

27. ნივთიერ დამამტკიცებელ საბუთად ჩაითვლება ყველა ის საგანი, რომელიც დანაშაულის ჩადენის იარაღად იყო გამოყენებული, ან რომელსაც შერჩა დანაშაულის კვლი, ან თვით იყო დანაშაულებრივი ქმედობის ობიექტი, აგრეთვე ყველა სხვა საგანი და დოკუმენტი, რითაც შეიძლება დანაშაულის გამოაშკარავება და დანაშაულში მონაწილე პირთა გამოკვლევა.

28. ნივთიერი დამამტკიცებელი საბუთი დაწერილობით უნდა აიწიროს, დაიბეჭდოს და საქმეს დაერთოს; ეს გარემოება აღინიშნება გაჩხრეკის, ამოკვევის თუ დათვალიერების ოქმში.

ნივთიერი დამამტკიცებელი საბუთი ინახება იქ, სადაც საქმე სწარმოება. ნივთიერი დამამტკიცებელი საბუთი შეიძლება, ცალკე შემთხვევაში, დაებრუნოს პატრონს საქმის გარჩევამდე, უკეთუ ეს საზიანო არ იქნება საქმისათვის. უკეთუ ნივთიერი დამამტკიცებელი საბუთი ისეთი საგანია, რაც მალე ფუჭდება, იგი გადაეცემა სათანადო დაწესებულებას იმ შემთხვევაში, როდესაც შეუძლებელია პატრონისათვის ამ საგნის თავის დროზე გადაცემა. აღნიშნული დაწესებულება ვალდებულია საქმის დამთავრებისას დაუბრუნოს პატრონს გადაცემული საგანი იმავე რაოდენობით ან გადაუხადოს მისი ღირებულება.

29. უკეთუ გამოკვლევს საბუთი აქვს იფიქროს, რომ ამა თუ იმ სადგომში არის ან ამა თუ იმ პირს აქვს ისეთი საგანი, რასაც შეიძლება საქმისათვის

მნიშვნელობა ჰქონდეს, იგი მოითხოვს ამ საგნის გადაცემას და მოახდენს მის ამორკვევას. უკეთეს ეს საგანი გამოკვლევს არ გადაეცა, იგი იძულებითი წესით ჩამოართმევს მას ან მოახდენს გაჩხრეკას. ყველა ამ მოქმედების შესრულების შესახებ შესდგება განსაკუთრებული დადგენილება.

სახელმწიფო დაწესებულებას, საზოგადოებრივ ორგანიზაციას, თანამდებობის პირს და კერძო პირს უფლება არა აქვს უარი სთქვას მოთხოვნილი საგნის და დოკუმენტის წარდგენასა და მიცემაზე.

30. ისეთი დოკუმენტის გადაცემა და დათვალიერება, რაც სახელმწიფოებრივ საილუმოლებას შეეხება, მოხდება სათანადო დაწესებულების მიერ პროკურორთან შეთანხმებით შემუშავებული განსაკუთრებული წესით.

ფოსტა-ტელეგრაფის კორესპონდენციის ამორკვევა შეიძლება მხოლოდ პროკურორის ნებართვით.

31. გაჩხრეკა და ამორკვევა უნდა მოხდეს დღისით, გარდა ისეთი შემთხვევისა, როდესაც ამის გადადება შეუძლებელია. გაჩხრეკას და ამორკვევას უნდა დაესწრნენ თანამოწმენი და ის პირი, ვისაც სადგომი უქირავს, ან მისი შინაური, ან და მეზობელი.

დაწესებულების სადგომში გაჩხრეკას და ამორკვევას უნდა დაესწროს ამ დაწესებულების წარმომადგენელი.

32. გაჩხრეკის ან ამორკვევის დაწყებისათვის გაჩხრეკი ან ამომრკვევი ვალდებულია წარადგინოს დაწესებული ფორმით შედგენილი ორდერი ან სხვა დოკუმენტი, რომელიც დაადასტურებს, რომ მას უფლება აქვს მოახდინოს გაჩხრეკა ან ამორკვევა გაჩხრეკისა და ამორკვევის დროს ჩამორთმეული დოკუმენტები და საგნები უნდა ეჩვენოს დამსწრე პირთ და ჩამოითვალოს გაჩხრეკის თუ ამორკვევის ადგილას შედგენილ განსაკუთრებულ აღწერილობაში ან და ოქმში. გაჩხრეკისა და ამორკვევის დამთავრებისას გამჩხრეკა ან ამომრკვევი შეეკითხება დაინტერესებულ პირთ—ხომ არა აქვთ მათ რაიმე პრეტენზია, რაც აღინიშნება ოქმში.

ოქმის და აღწერილობის ასლი მიეცემა გაჩხრეკილს ან მის შინაურებს.

33. გაჩხრეკის მომხდენს უფლება აქვს გააღოს დაკეტილი სადგომი და საცაიე მხოლოდ იმ შემთხვევაში, უკეთეს პატრონი უარს იტყვის ნებაყოფლობით გაღებაზე. გამჩხრეკი ვალდებულია მიიღოს ღონისძიება იმისათვის, რომ არ განმარტდეს გაჩხრეკილი პირის კერძო ცხოვრების ისეთი გარემოება, რაც შეიძლება გაჩხრეკის დროს აღმოჩენილ იქნეს, ხოლო საქმეს კი არ ეხებოდეს.

34. დანაშაულის ჩადენის ადგილისა და გაჩხრეკის თუ ამორკვევის დროს ჩამორთმეული დოკუმენტების და სხვა საგნების დათვალიერებისას გამოკვლევა უნდა აღწეროს ოქმში ყოველივე დათვალიერებული იმ სახით, როგორც დათვალიერების დროს იყო.

ჩამორთმეულის დათვალიერება მოხდება გაჩხრეკის ადგილას ან გამოკვლევის კამერაში.

35. გამოკვლევი არ უნდა დაესწროს სხვა სქესის პირის პირად გაჩხრეკას ან შემოწმებას, უკეთეს ამ მოქმედების შესრულებისათვის საჭიროა გასაჩხრეკი ან შესამოწმებელი პირის ვატიტულება, გარდა იმ შემთხვევისა, როდესაც აღნიშნული პირი გამოკვლევის დასრულების წინააღმდეგი არ იქნება.



თავი მესამე.

### ბრალდების წაყენება.

36. უკეთუ გამომკვლევს საკმაო საბუთი აქვს იუქროს, რომ დანაშაული ჩადენილია ეკვიტანილი პირის მიერ, იგი შეადგენს დადგენილებას ამ პირის, როგორც ბრალდებულის, პასუხისგებაში მიცემის შესახებ.

დადგენილებაში უნდა აღინიშნოს: ა) დადგენილების შემდგენი, ბ) დადგენილების შედგენის დრო და ადგილი, გ) პასუხისგებაში მიცემულის სახელი, მამის სახელი და გვარი, დ) დანაშაულის ჩადენის დრო, საქმის შინაარსი და პასუხისგებაში მიცემის საფუძველი, ე) სისხლის სამართლის კოდექსის ის მუხლი, რომლითაც გათვალისწინებულია ჩადენილი დანაშაული.

**შენიშვნა.** უკეთუ არის ცნობა იმის შესახებ, რომ პასუხისგებაში მიცემული უცხო სახელმწიფოს მოქალაქეა, გამომკვლევე ვალდებულია ზუსტად გამოარკვიოს ეს გარემოება, შეძლებისამებრ, დოკუმენტალური ცნობებით.

37. დადგენილება გამოცხადდება პანუხისგებაში მიცემულს, მისი, როგორც ბრალდებულის, პირველივე დაკითხვის დროს, ხოლო არა უგვიანეს 48 საათისა დადგენილების შედგენის დროიდან. დადგენილების გამოცხადების დრო აღინიშნება თვით დადგენილებაზე, რასაც დაადასტურებს პასუხისგებაში მიცემული თავისი ხელმოწერით.

38. ბრალდების წაყენების შემდეგ გამოკვლევა უნდა წარიმართოს ისეთ გარემოებათა გამოსარკვევად, რომელთაც ყველაზე უფრო არსებითი მნიშვნელობა ექნებათ დანაშაულისა და მისი ჩამდენი პირის საზოგადოებრივი საშიშროების გამოაწვარავებისათვის (სისხლის სამართლის კოდექსის 42,44 და 45 მუხ.), და ეს გამოკვლევა არ უნდა გართულდეს აღნიშნული თვალსაზრისით ზედმეტ გარემოებათა გამოარკვევით.

39. უკეთუ დაკითხვაზე დაბარებული პასუხისგებაში მიცემული პირი არ გამოცხადდება პატივსადები მიზეზის გარეშე, იგი იძულებით უნდა იქნეს მოყვანილი.

40. უკეთუ პასუხისგებაში მიცემული ვერ მოიძებნა, ან უკეთუ იგი პატიმრობიდან გაიქცა, გამომკვლევე გასცემს განკარგულებას მის მოსაძებნად; გამოძიებელი ექვსი თვის შემდეგ, ხოლო მოკვლევის სხვა ორგანოები სამი თვის შემდეგ, დღიდან მოძებნისათვის განკარგულების გაცემისა, შეადგენენ დადგენილებას საქმის შეჩერების შესახებ, ხოლო თვით საქმეს, დადგენილებასთან ერთად, წარუდგენენ მეთვალყურე ორგანოს.

41. გამომკვლევე ვალდებულია დაჰკითხოს პასუხისგებაში მიცემულს არა უგვიანეს 24 საათისა მისი გამოცხადების ან მოყვანის დროიდან, ან მისი შეპყრობის შესახებ ცნობის მიღებიდან. უკეთუ დაკითხვა აღნიშნული ვადის განმავლობაში ვერ მოხდა, ამ დაგვიანების მიზეზი უნდა აღინიშნოს დაკითხვის პირველსავე ოქმში.

დაკითხვა მოხდება მოწმეთა დაკითხვისათვის დადგენილი წესების მიხედვით, ხოლო პასუხისგებაში მიცემული არ აცემს პასუხს ჩვენებაზე უარის თქმით.

სათვის, და მას არ მიეცემა გაფრთხილება იმ პასუხისმგებლობის შესახებ, აღნიშნულია 21 მუხლში.

42. უკეთუ გამომძიებლისა და სახელმწიფო პოლიტიკური სამმართველოს ორგანოს მიერ გამოაკვლევინ საქმის გამო პასუხისგებაში მიცემულია თანამდებობის პირი, გამომკვლევნი ვალდებულია გადასწყვიტოს საკითხი—გადაყენებულ უნდა იქნეს თუ არა პასუხისგებაში მიცემული პირი თავისი თანამდებობიდან გამოკვლევის დროის განმავლობაში, და, თუ გადაყენებს, თავისი გადაწყვეტილება უნდა აცნობოს იმ დაწესებულებას, სადაც პასუხისგებაში მიცემული მუშაობს.

თანამდებობიდან გადაყენება ისეთი საქმის გამო, რომელსაც სხვა ორგანო იკვლევს, შეიძლება მხოლოდ გამომძიებლის ან პროკურორის ნებართვით.

43. უკეთუ საქმიდან სჩანს, რომ პასუხისგებაში მიცემული დანაშაულის ჩადენის დროს ფსიქიურად ავად იყო ან მის შემდეგ ფსიქიურად ავად გახდა, გამომკვლევნი ვალდებულია პასუხისგებაში მიცემულის ფსიქიური მდგომარეობის გამოსარკვევად შეჭრიდოს საჭირო ცნობები, რისთვისაც მან პასუხისგებაში მიცემული უნდა შეამოწმებინოს ექიმ-ექსპერტს და აგრეთვე გამოკითხოს თვით პასუხისგებაში მიცემულს, მის მახლობელთ და სხვა პირთ.

უკეთუ არის საფუძველი, რომლის მიხედვითაც საფიქრებელია, რომ პასუხისგებაში მიცემული სრულწლოვანი არ არის, მისი წლოვანების გამორკვევა, როდესაც სათანადო დოკუმენტები არ მოიპოვება, მოხდება საექიმო შემოწმებით.

თავი მეთექვ.

#### აღმკვეთი ღონისძიებანი.

44. პასუხისგებაში მიცემულს ჩამოერთმევა ხელწერილი, რომ იგი გამოცხადდება გამოკვლევისა და გასამართლებისათვის, და რომ ვალდებულია, თუ ვინიცოცხაა საცხოვრებელ ადგილს გამოიკვლოს, მისცეს ხოლმე ცნობა ამის შესახებ. ამის გარდა გამომკვლევს უფლება აქვს იხმაროს პასუხისგებაში მიცემულის მიმართ აღმკვეთი ღონისძიება. განსაკუთრებულ შემთხვევაში აღმკვეთი ღონისძიება შეიძლება შეეფარდოს ბრალდების წაყენებამდე იმ პირს, რომლის მიმართაც არის საჭირო საფუძველი იმის საფიქრებლად, რომ უწყებელი დანაშაული მან ჩაიდინა. ასეთ შემთხვევაში ბრალდება წაყენებულ უნდა იქნეს არა უგვიანეს 15 დღე ღამისა აღმკვეთი ღონისძიების ხმარების დღიდან. უკეთუ ამ ვადაზე ბრალდების წაყენება შეუძლებელია, აღმკვეთი ღონისძიება აუცილებლად უნდა გაუქმდეს.

45. აღმკვეთი ღონისძიებაა: ა) წაუსვლელობის ხელწერილი, ბ) პირადი ან კოლექტიური თავდებობა და გ) დაპატიმრება.

იმ საკითხის გადაწყვეტის დროს—საჭიროა თუ არა აღმკვეთი ღონისძიების ხმარება, და აგრეთვე ამა თუ იმ ღონისძიების არჩევის დროს მხედველობაში უნდა იქნეს მიღებული: დანაშაულის სიმძიმე და პასუხისგებაში მიცემულის მახვილებელი გარემოებანი, ის, თუ რამდენად შესაძლებელია პასუხისგებაში მიცემულმა თავი აარიდოს გამოკვლევას და გასამართლებას, ან ხელი შეუშალოს კვლევითების გამოაშკარავებას, აგრეთვე პასუხისგებაში მიცემულის ხელობა, ჯანმრთელობა და სხვ.

უკეთეს აღმკვეთ ღონისძიებად დაპატიმრება იქნება მიღებული, გამომკვეთი შეადგენს დასაბუთებულ დადგენილებას, სხვა შემთხვევაში კი აღმკვეთი ღონისძიების მიღებას აღნიშნავს რეზოლუციის სახით ოქმზე. მიღებული აღმკვეთი ღონისძიება უნდა გამოცხადდეს პასუხისგებაში მიცემულს.

**შენიშვნა 1.** საშხედრო მსახურს აღმკვეთ ღონისძიებად შეიძლება შეეფარდოს აგრეთვე უახლოესი თვალყურისდევნება იმ ნაწილში, სადაც იგი მსახურობს.

**შენიშვნა 2.** უკეთეს პასუხისგებაში მიცემული დაარღვევს წაუსვლელობის ხელწერილით ნაკისრ მოვალეობას, მას ეს ხელწერილი შეეცვლება უფრო მძიმე აღმკვეთ ღონისძიებად, რაც მას უნდა გამოეცხადოს წაუსვლელობის ხელწერილის ჩამორთმევისათაინავე.

46. მეთვალყურე ორგანოს უფლება აქვს როგორც იმისა, რომ წინადადება მისცეს გამომკვლევს მიიღოს აღმკვეთი ღონისძიება, ისე იმისა, რომ გააუქმოს ან შესცვალოს უკვე მიღებული ღონისძიება. ამ წინადადების შესრულება გამომკვლევისათვის სავალდებულოა.

გამომკვლევს თვითონ შეუძლიან გააუქმოს ან შესცვალოს მის მიერ მიღებული აღმკვეთი ღონისძიება.

47. თავდებობა ნიშნავს სანდო პირისაგან ხელწერილის ჩამორთმევას, რითაც იგი იკისრებს, რომ პასუხისგებაში მიცემული გამოცხადდება ხოლმე, და რომ იგი პასუხისგებაში მიცემულს მოიყვანს გამომკვლევთან ან სასამართლოში პირველ მოთხოვნისათაინავე.

უკეთეს თავდებობა კოლექტიურია, თავდებთა რიცხვს განსაზღვრავს გამომკვლევე ორგანო, ხოლო ეს რიცხვი არ შეადგება ორზე ნაკლები იყოს.

თავდებს ხელწერილის ჩამორთმევის დროს უნდა განეპარტოს, რომ პასუხს აგებს იგი იმ შემთხვევაში, უკეთეს პასუხისგებაში მიცემული თავს აარიდებს გამომკვლევთან ან სასამართლოში გამოცხადებას.

48. უკეთეს პასუხისგებაში მიცემული არ გამოცხადდება გამომკვლევთან ან სასამართლოში, თვითველ თავდებს, თუ მას სისხლის სამართლის წესით დასასჯელი ქმედობა არ ჩაუდენია, გამომძიებლის, პროკურორის ან სათანადო სასამართლოს დადგენილებით დაედება ჯარიმა ან მანეთამდე, რაც არაშემძლეობის შემთხვევაში შეიცვლება იძულებით მუშაობად ერთ თვემდე.

49. დაპატიმრება აღმკვეთ ღონისძიებად შეიძლება შეფარდებულ იქნეს მხოლოდ ისეთი დანაშაულის გამო, რისთვისაც სასამართლოს შეუძლიან პასუხისგებაში მიცემულს გადაუწყვიტოს თავისუფლების აღკვეთა ერთ წელზე მეტი ვადით, და თანაც მხოლოდ იმ შემთხვევაში, როდესაც საფიქრებელია, რომ პასუხისგებაში მიცემული, უკეთეს იგი თავისუფლად იქნა, ხელს შეუშლის კვშიარიტების გამოაშკარაებას ან დაემალება გამოკვლევასა და გასამართლებას.

დანარჩენი საქმეების გამო დაპატიმრება აღმკვეთ ღონისძიებად შეიძლება შეფარდებულ იქნეს მხოლოდ იმ შემთხვევაში, უკეთეს გამოირკვევა, რომ პასუხისგებაში მიცემულს კავშირი აქვს დამნაშავეთა წრესთან, ან მუდმივი საცხოვრებელი ადგილი და ხელობა არა აქვს, ან და თავს არიდებს გამოკვლევასა და გასამართლებას.



იმ დანაშაულთა საქმის გამო, რაც გათვალისწინებულია სისხლის სამართლის კოდექსის 58<sup>1</sup>, 58<sup>2</sup>, 58<sup>3</sup> და 58<sup>4</sup> მუხ., 58<sup>5</sup> მუხ. 1 ნაწ. („ა“ პუნქტში აღნიშნულ პირთა მიმართ), 58<sup>17</sup> მუხ., 58<sup>21</sup> მუხ. მე-2 ნაწ., 58<sup>22</sup> და 58<sup>24</sup> მუხ., 61 მუხ. მე-3 ნაწ., 118 მუხ. 1 ნაწ., 122 მუხ. მე-2 ნაწ., 123 მუხ. მე-2 ნაწ., 138, 144 და 170 მუხ. (უკეთეს სექსობრივი ძალადობა ჯგუფის მიერ იქნება ჩადენილი), 177 მუხ. „გ“ და „ზ“ პუნქტ., 180 მუხ. მე-3 ნაწ. და 181 მუხლში, დაპატიმრება აღმკვეთ ღონისძიებად შეიძლება შეფარდებულ იქნეს მარტოოდენ იმ მოტივით, რომ ჩადენილი დანაშაული საზოგადოებრივად საშიშია.

**შენიშვნა.** სახელმწიფო პოლიტიკური სამმართველოს ორგანოთა მიერ აღმკვეთი ღონისძიების შეფარდება მოხდება განსაკუთრებული წესებით.

50. უკეთეს აღმკვეთ ღონისძიებად დაპატიმრებაა არჩეული, გამოაკვლევია ამას დაუყოვნებლივ აცნობებს მეთვალყურე ორგანოს, საპატიმრო ადგილს და იმ დაწესებულებას, სადაც პასუხისგებაში მიცემული მსახურობს. უკეთეს პასუხისგებაში მიცემული უცხო სახელმწიფოს მოქალაქეა, აღნიშნული ცნობა აუცილებლად უნდა გაეცხადოს აგრეთვე სავაირო საქმეთა სახალხო კომისარიატის რწმუნებულს.

საჩივარი გამოაკვლევ ორგანოზე მის მიერ აღმკვეთ ღონისძიებად დაპატიმრების შეფარდების გამო შეიტანება გამომძიებელთან, ხოლო გამომძიებელზე — მეთვალყურე პროკურორთან. საჩივარი პროკურორის გადაწყვეტილების გამო შეიტანება ზემდგომ პროკურორთან. რესპუბლიკის პროკურორის გადაწყვეტილება საბოლოოა.

51. დაპატიმრება, როგორც აღმკვეთი ღონისძიება, შეიძლება მხოლოდ ორი და ერთი თვის ვადით, რაც მე-7 მუხლით დაწესებულია გამოაკვლევის დამთავრებისათვის. უკეთეს გამოაკვლევა, საქმის სირთულის ან სხვა გარემოების გამო, აღნიშნულ ვადაზე ვერ დამთავრდება, აღმკვეთ ღონისძიებად შეფარდებული დაპატიმრება შეიძლება, მეთვალყურე პროკურორის ნებართვით, განგრძობილ იქნეს კიდევ ერთი თვით, ისეთი შემთხვევის გარდა, როდესაც დაპატიმრება შეფარდებულია მხოლოდ იმ მოსაზრებით, რომ პასუხისგებაში მიცემული თავისუფლად ყოფნის დროს ხელს შეუშლის საქმის გარემოებათა გამორკვევას.

#### თავა მკხუთე.

**წინასწარი გამოკვლევების შეჩერება და დამთავრება და პროკურორისა და გამომძიებლის მოქმედება საქმის მოსასპობად და სამართალში მისაცემად.**

52. წინასწარი გამოკვლევა შეჩერდება იმ შემთხვევაში:

ა) უკეთეს არ არის ცნობა პასუხისგებაში მიცემულის სამყოფელო ადგილის შესახებ, და

ბ) უკეთეს პასუხისგებაში მიცემული ფსიქიურად ავად არის ან შეპყრობილია სხვა რამ მძიმე ავადმყოფობით, რაც დადასტურებულ უნდა იქნეს სახელმწიფო ან საზოგადოებრივ სამსახურში მყოფი ექიმის მიერ.

აღნიშნულ შემთხვევაში გამოკვლევა შეჩერდება მხოლოდ მაშინ, როდესაც გამოკვლევით შეკრფილია საქმარისი მასალა ბრალდების წისაყენებლად. ხოლო, უკეთეს გამოკვლევამ ასეთი მასალა ვერ შეკრიფა, საქმე არ შეჩერდება, არამედ მოისპობა.

გამომკვლევით თვითონ შეაჩერებს საქმეს და შეადგენს დადგენილებას, სადაც აღწერს საქმის შინაარსს და იმ გარემოებას, რის გამოც გამოკვლევა შეჩერდა.

53. გამოკვლევის შეჩერება 52 მუხლის „ა“ პუნქტში აღნიშნული მიზეზით მოხდება გამოკვლევისათვის დაწესებული ვადის (7 მუხ.) გასვლისას. ამ ვადის განწავლობაში გამოკვლევით ვალდებულია მიიღოს ყველა ღონისძიება პასუხისმგებლობაში მიცემულის მოსამბნად.

52 მუხლის „ბ“ პუნქტით გათვალისწინებულ შემთხვევაში გამოკვლევა შეჩერდება პასუხისმგებაში მიცემულის განკურნებამდე, ხოლო უკეთეს პასუხისმგებაში მიცემული ფსიქიკურ ან განუკურნებელ ავადმყოფად იქნება ცნობილი, საქმე წარმართება სასამართლოში, სამედიცინო ხასიაფის სოციალური დაცვის დონისძიების შესაფარებლად, ან მოისპობა. როდესაც გამოკვლევა 52 მუხ. „ბ“ პუნქტში აღნიშნული მიზეზით უნდა შეჩერდეს, გამოკვლევას უფლება აქვს დაადგინოს, რათა პასუხისმგებაში მიცემული მოთავსებულ იქნეს სათანადო სამკურნალო დაწესებულებაში მისი ავადმყოფობის გამოსარკვევად.

54. უკეთეს არის სისხლის სამართლის საპროცესო კოდექსის მე-4 მუხლში აღნიშნული საფუძველი, იმ შემთხვევებს გარდა, რაც გათვალისწინებულია 55 მუხლით, გამომკვლევით ორგანო მოსპობს საქმეს, რის შესახებაც შეადგენს დადგენილებას, სადაც აღნიშნავს საქმის შინაარსს და მისი მოსპობის საფუძველს. ამ დადგენილების ასლს გამომძიებელი გაუგზავნის პროკურორს, გამოკვლევის სხვა ორგანო კი—სათანადო გამომძიებელს.

დადგენილება საქმის მოსპობის შესახებ შეიძლება განსაჩივრებულ იქნეს ხუთი დღის ვადაზე სათანადო გამომძიებელთან ან პროკურორთან, ამ უკანასკნელთა დადგენილება კი—ერთი თვის ვადაზე სათანადო მეთვალყურე პროკურორთან ან ზემდგომ პროკურორთან, რომელთა დადგენილებაც საბოლოოა.

**შენიშვნა.** სახელმწიფო პოლიტიკური სამმართველოს ორგანოთა მიერ საქმის წარმართვის წესი განისაზღვრება განსაკუთრებული წესებით.

55. როდესაც არის სისხლის სამართლის საპროცესო კოდექსის 4<sup>1</sup> მუხლით გათვალისწინებული საფუძველი, აგრეთვე როდესაც ბრალდებულის მამხილებელი მასალა საკმარისი არ იქნება, გამომძიებელი საქმეს გაუგზავნის პროკურორს მოსასპობად თავისი დასაბუთებული დადგენილებით, გამოკვლევის სხვა ორგანო კი—სათანადო გამომძიებელს.

56. მოსპობილი ან შეჩერებული საქმის წარმოებით განახლება მოხდება იმ ორგანოს დასაბუთებული დადგენილებით, რომელმაც საქმე მოსპო ან შეაჩერა.

57. როდესაც გამოკვლევით სცნობს, რომ წინასწარი გამოკვლევა დამთავრებულია და შეკრფილი მასალა საკმარისია სამართალში მისაცემად, იგი ვალდებულია გამოუცხადოს ეს ბრალდებულს, განუმარტოს, რომ მას უფლება აქვს გასინჯოს მთელი საქმე, მისცეს შესაძლებლობა ასეთი გასინჯვისათვის და ჰკითხო, სურს თუ არა მას დაუმატოს რამ გამოკვლევას და, სახელდობრ, რის დამატება სურს.

უკეთეს ბრალდებულს დასახელებს ისეთ გარემოებას, რასაც საქმისათვის მნიშვნელობა აქვს და რაც წინად არ ყოფილა გამოკვლევით, გამომკვლევით ვალდებულია სათანადოდ შეავსოს გამოკვლევა.

58. საბრალმდებლო დასკვნაში მოკლედ უნდა აღინიშნოს საქმის შინაარსი, ყველა გარემოება როგორც პასუხისგებაში მიცემულის საწინააღმდეგო, ისე მისი სასარგებლო, აგრეთვე დამატკიცებელი საბუთები, რაც აღწერილ გარემოებათ დადასტურებს, და დაწვრილებითი ცნობები დანაშაულის ვინაობის შესახებ, დანაშაულის ჩადენის ადგილი, დრო, ხერხი და მოტივები, ცნობები დახარალებულის შესახებ და ბოლოს სისხლის სამართლის კოდექსის ის მუხლი, რომლითაც ესა თუ ის დანაშაული გათვალისწინებულია, ხოლო უკეთეს პასუხისგებაში მიცემულს ბრალად რამდენიმე დანაშაული ედება—მუხლები, რომლებითაც გათვალისწინებულია თვითმკვლელობის დანაშაული.

საბრალმდებლო დასკვნას უნდა დაერთოს სამსჯავრო სხდომაზე დასაბარებულ პირთა სია, აგრეთვე ცნობა იმის შესახებ, თუ რა ხანს იყო ბრალდებული პატივმარობაში.

დასაბარებელ პირთა სიაში უნდა აღინიშნოს ამ პირთა საცხოვრებელი ადგილი, სამსახურის ან მუშაობის ადგილი და საქმის ის ფურცლები, სადაც მათი ჩვენებაა.

საბრალმდებლო დასკვნის ტექსტში აღნიშნულ უნდა იქნეს აგრეთვე საქმის ის ფურცლები, რითაც დადასტურდება დასკვნის შინაარსი.

59. საბრალმდებლო დასკვნას სახალხო სასამართლოს ქვემდებარე საქმის შესახებ გამოძიებული საქმესთან ერთად გაუგზავნის უშუალოდ სახალხო სასამართლოს, უზენაეს სასამართლოს ქვემდებარე საქმის შესახებ კი—სათანადო პროკურორს განკარგულებისათვის.

გამოკვლევის სხვა ორგანოები საბრალმდებლო დასკვნას ისეთი დანაშაულის საქმის შესახებ, რომლისათვისაც სისხლის სამართლის კოდექსით თავისუფლების აღკვეთაა გათვალისწინებული, გაუგზავნიან გამოძიებულს, ხოლო ყველა დანარჩენი საქმის შესახებ—უშუალოდ სახალხო სასამართლოს.

**შენიშვნა.** სახელმწიფო პოლიტიკური სამმართველოს ორგანოთა მიერ საქმეების წარმართვის წესი გათვალისწინებულია განსაკუთრებული წესებით.

60. გამოძიებელი და პროკურორი, მიიღებენ რა საქმეს გამოკვლევის ორგანოსაგან: ა) შეაჩერებენ ან მოსპობენ წარმოებას, უკეთეს იქნება 52, 54 და 55 მუხლში აღნიშნული საფუძველი, ან ბ) დააბრუნებენ საქმეს თავიანთი დირექტივებით დამატებითი გამოკვლევისათვის, ან და გ) დამატკიცებენ საბრალმდებლო დასკვნას თვით დასკვნაზე მოკლე რეზოლუციის წარწერით, რაც ჩაითვლება ბრალდებულის სამართალში მიცემად.

61. უკეთეს გამოიკვლევა, რომ პასუხისგებაში მიცემულის მოქმედება შეიცავს საღისეობრივ წესით სადგენელი მცირე დანაშაულის ნიშნებს (სისხლის სამართლის კოდექსის III თავი), ამას სისხლის სამართლის საქმის მომსპობი აღნიშნავს დადგენილებაში საქმის მოსპობის შესახებ და ამ დადგენილების ასლს გაუგზავნის იმ დაწესებულებას, სადაც პასუხისგებაში მიცემული მსახურობს.

62. საქმის მოსპობის შესახებ ვაშლიანოდ დადგენილებაში განსაზღვრულ უნდა იქნეს ნივთიერი დამატკიცებელი საბუთების ბედი; ამასთანავე, დანაშაულის ჩადენის იარაღი კონფისკებულ უნდა იქნეს; ბრუნვისათვის აკრძალული ნივთები უკან არ გაიყვამ და უნდა ჩაბარდეს სათანადო დაწესებულებას ან მოსპობს; ის ნივთი, რომელიც არაერთად ღირებულებას არ წარმოადგენს და რომლის გამოყენებაც შეუძლებელია, მოსპობა, ხოლო, უკეთეს დაინტერესებული პირი ან დაწესებულება ითხოვს, რომ მას ეს ნივთი მიეცეს, ეს თხოვნა შეიძლება დაკმაყოფილებულ იქნეს, თუ ნივთის გაკემისათვის არიან დაბრკოლება ან არსებობს; დანარჩენი ნივთები მიეცემა პატრონს; უკეთეს აღიძვრის დაეა აღნიშნული ნივთის კუთვნილების შესახებ, ეს დაეა გადაწყდება სასამართლო წესისამებრ დაინტერესებულ პირთა დაბარებით.



63. უკეთეს გამოძიებელი ან პროკურორი საქიროდ სცნობს საბრალმდებლო დასკვნაში ცვლილების შეტანას, იგი ვალდებულია შეადგინოს ახალი დასკვნა, რომელსაც, რეზოლუციით სამართალში მიცემის შესახებ, საქმესთან ერთად გაუგზავნის სასამართლოს. უკეთეს გამოძიებელი ან პროკურორი არ დაეთანხმება დადგენილებას სამართალში მიცემის შესახებ, იგი მოსპობს საქმეს. ასეთ შემთხვევაში საბრალმდებლო დასკვნა საქმიდან ამოიღება და დაებრუნება მის შემდგენელს იმის აღნიშვნით, თუ რა არ არის ამ დასკვნაში სწორი. ხოლო, უკეთეს გამოძიებელი ან პროკურორი არ დაეთანხმება დადგენილებას საქმის მოსპობის შესახებ, იგი წინადადებას მისცემს გამოიკვლევ ორგანოს, რათა მან წარუდგინოს პასუხისმგებლობაში მიცემულს საქმის მთელი წარმოება, შეასრულოს სხვა საჭირო მოქმედება, თუ ასეთი შესრულებული არ ყოფილა, და, საბრალმდებლო დასკვნის შედგენისას, მისცეს საქმეს სათანადო მსვლელობა. გამოძიებელს ან პროკურორს შეუძლიან საბრალმდებლო დასკვნის დამტკიცების დროს შესცვალოს და შეაგოს გამოიკვლევების მიერ შედგენილი სია მოწმეებისა.

64. დამტკიცებული საბრალმდებლო დასკვნა საქმესთან ერთად გაეგზავნება სასამართლოს. ამასთანავე, უკეთეს პროკურორი ან გამოძიებელი საქიროდ მიიჩნევს პირადად მონაწილეობა მიიღოს სამსჯავრო სხდომაში, იგი მოვალეა აცნობოს ეს სასამართლოს.

პროკურორის მონაწილეობა სამსჯავრო სხდომაში სავალდებულოა, როდესაც საქმეს საზოგადოებრივ-პოლიტიკური მნიშვნელობა აქვს. ცალკეულ შემთხვევაში პროკურორს უფლება აქვს მიანდოს გამოძიებელს, რათა მან მონაწილეობა მიიღოს სამსჯავრო სხდომაში სახელმწიფო ბრალმდებლის სახით.

65. სასამართლოში საქმის გადაცემის შემდეგ ამ საქმესთან დაკავშირებული ყოველგვარი თხოვნა და საჩივარი გამოიკვლევების ორგანოთა და პროკურორის მოქმედებაზე შეიტანება უშუალოდ სასამართლოში. საჩივრის შეტანა შეიძლება ხუთი დღე-ღამის განმავლობაში იმ წამიდან, როდესაც მოჩივარმა გააკო განსაჩივრებული მოქმედება. აღმკვეთი ღონისძიებების არჩევისა და უკანონო მოქმედების გამო საჩივრების შეტანა ვადით შეზღუდული არ არის.

## II.

სისხლის სამართლის საქმეთა გამოიკვლევების შემოაღნიშნული დროებითი წესების შესაბამისად:

1. სისხლის სამართლის საპროცესო კოდექსის 49 მუხლს სიტყვების — „პროკურატურის წევრს“ — შემდეგ დაემატოს სიტყვა: „გამომძიებელს“.

2. იმავე კოდექსის 59 მუხლი მიღებულ იქნეს შემდეგი რედაქციით:

„59. მოწმედ, ექსპერტად, თარჯიმანად ან თანამშემდებლად დამარტებული ყველა პირი ვალდებულია გამოცხადდეს. უკეთეს აღნიშნული პირნი არ გამოცხადდენ არაპატივსაცემი მიზეზით, აგრეთვე უკეთეს მოწმე უარს იტყვის ჩვენების მიცემაზე, ხოლო დანარჩენები დაკისრებული მოვალეობის შესრულებაზე, მათ, გამოძიებლის ან სათანადო სასამართლოს დადგენილებით, დაედებათ ჯარიმა 30 მანეთამდე, რაც არაშემძლეობის შემთხვევაში შეიცვლება იძულებით მუშაობად ათ დღემდე.“

გამოიკვლევების სხვა ორგანო ოქმს აღნიშნულ პართა არაპატივსაცემი მიზეზით გამოუცხადებლობისა ან დაკისრებული მოვალეობის შესრულებაზე უარის თქმის შესახებ გაუგზავნის მეთვალყურე გამოძიებლის გადასახდელის დასადებად. ის, ვინც არაპატივსაცემი მიზეზით არ გამოცხადდება, გადასახდელის დადების მიუხედავად, შეიძლება მოყვანილ იქნეს იძულებით.

აღნიშნულ პირთ უფლება აქვთ მიიღონ გაწეული ხარჯის სახლაური და გასამრჯელო მათი ჩვეულებრივი საქმისაგან მოცდენისათვის, ხოლო ექსპერტს

და თარჯიმანს, ამის გარდა, გასამრჯელო დაკისრებული მოვალეობის შესრულებისათვის. სახალუროს და გასამრჯელოს რაოდენობა განისაზღვრება განსაკუთრებული ინსტრუქციით.

**შენიშვნა.** სისხლის სამართლის საპროცესო კოდექსის 59 მუხლის შენიშვნა იმ რედაქციით, რაც არის სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1927 წლის ივლისის 30-ის თარიღისა და 66 №-ის დადგენილებაში (საქ. სსრ კან. კრ. 1927 წ. მე-7 №-ი, მუხ. 104), ძალაში რჩება.

3. იმავე კოდექსს დაემატოს 59<sup>1</sup> მუხლი შემდეგი შინაარსისა:

„59<sup>1</sup>. თავისუფლად მყოფი ბრალდებული, მოწმე და ექსპერტი დაბარებულ უნდა იქნენ ტელეფონოგრაფით ან უწყებით, რომელიც ჩაბარებულ უნდა იქნეს სასამართლოს გზირის მეშვეობით. სოფლად მცხოვრები ბრალდებულის, მოწმის თუ ექსპერტის უწყებით დაბარება მოხდება სათანადო სასოფლო საბჭოს მეშვეობით; განსაკუთრებულ შემთხვევაში, უკეთეს საკიროა აღნაშნულ პირთა სასწრაფო დაბარება და უწყებულ ადგილთან სხვა რამ კავშირგაბმულობის საშუალება არ არსებობს, შეიძლება ამ პირთა დაბარება მილიციის მეშვეობით.

დაბარების უწყება გაიგზავნება ორ ცალად: პირველი ჩაბარდება დასაბარებელ პირს, ხოლო მეორე მისი ხელმოწერით უკან დაბრუნდება. უკეთეს დასაბარებელი პირი დროებით წასულია, უწყება ამ პირისათვის გადასაცემად ჩაბარდება მის შინაურებს, სახლის სამოურაოს ან უახლოეს მეზობლებს ხელმოწერილით.

პატიმრობაში მყოფი ბრალდებული დაბარებულ უნდა იქნეს საპატიმროს გამგის მეშვეობით ან დაკითხული თვით საპატიმროში.

სამხედრო მსახური დაბარებულ უნდა იქნეს იმ სამხედრო ნაწილის თუ დაწესებულების უფროსის მეშვეობით, სადაც იგი მსახურობს“.

4. იმავე კოდექსის 160<sup>1</sup>, 178 და 190<sup>1</sup> მუხლები დარჩეს ძალაში იმ რედაქციით, რაც არის სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1927 წ. ივლისის 30-ის თარიღისა და 66 №-ის დადგენილებაში (საქ. სსრ კან. კრ. 1927 წ. მე-7 №-ი, მუხ. 104).

5. ამოშლილ იქნეს ზემოაღნიშნული კოდექსიდან 48, 61, 64, 65, 66, 73, 74, 75, 78, 233<sup>1</sup>, 245 და 246 მუხლები.

6. იმავე კოდექსის 62, 63, 67, 68, 72 და 77 მუხლებში ამოიშალოს სიტყვები: „გამოცვლენის ან“, „ან გამოძიებულს“, „გამომძიებლისა თუ“, „ან იმ გამოძიებულთან“, „ან გამოძიებლის“, „ან ერთი გამოძიებულისაგან“, „და გამოძიებლისათვის“, „და გამოძიებულს“ და „საგამომძიებლო მოქმედების დროს, აგრეთვე“. ამასთანავე 68 მუხლში სიტყვა — „სასამართლოსა“ შეიცვალოს სიტყვით: „სასამართლოსათვის“.

სრ. საქ. ც.ა.კ-ის თავმჯდომარე ფ. მახარაძე.

საქ. სსრ ს.კ.ს-ის თავმჯდომარე ლ. ხუზიშვილი.

სრ. საქ. ც.ა.კ-ის მდივანი ს. თოდრაია.

1931 წ. მარტის 1.

ტფილისი.

საქართველოს საბჭოსაბჭოს სტამბა.

შოთლ. № 503.

ტირაჟი 1.300.